



S

Nun diser gefiert planus abgestolen fertig ist/ als dan neu den würffel darmit in dem
 zu gleicher weys wie er dann hie foren auf sein abgestolen plano stet. Das zu machen sind
 also. Nym die leng von einer seitten des würffels im forderen niedergedruckten grund/vñ
 setz die mitten mit zweyen puncten. x. y. auf die vnderen zwerchlini. f. g. deiner ystigen abgestolnen
 stierung/ in den weitten von dem eck. f. so weit sie stet im forderen niedergedruckten grund/ von der sei-
 ten des gefierten plano. e. f. Darnach zeuch zwo streymlini auß dem näherten aug in die zwen pun-
 cten. x. y. zwischen dise zwo lini muß der würffel mit seyner vnderen stierung hinden auf disen plani
 gestelt werden. Aber wie weyt hinder sich/ das such also / So du in dem forderen niedergedruckten
 grund ein ortstrich. e. g. reißt/ so wirt auch diser ortstrich eyn ortstrich im niedergedruckten grund des
 würffels sein/ dann dise lini get durch seine zwey eck. j. a. vñnd. z. c. Nun so das ist/ so zeuch auch ein
 ortlini. e. g. in deinem ystigem abgestolnem seld/ wo dan dise durchschneyt die zwo streymlini. x. y. da
 setz auf der lini. x. ein. a. vñd auf der lini. y. ein. c. Darnach zeuch zwo zwerchlini auß den puncten. a. c.
 wo dann die zwerchlini. a. durchschneydet die streymlini. y. da setz ein. d. Aber wo die zwerchlini. c.
 die streymlini. x. durchschneydet / da setz ein. b. also stet der gefiert planus vñden an dem würffel mit
 sein vier ecken recht auf dem gefierten abgestolnen plano. e. f. g. h. wie da foren in dem anderen.

Nun zeuch auß den vier ecken. a. b. c. d. vber sich vier aufrecht lini/ vñnd die forderen zwo zeuch so
 hoch vber sich als lang da ist die zwerchlini. b. c. vñ zeuch oben in vorgemelter höhe ein zwerchlini von
 einer lini zu der andern/ vñ setz in die selben zwey eck ob dem. b. die ziffer. 2. vñd ob dem. c. die ziffer. 3.
 Darnach zeuch zwo streymlinien auß dem nehern aug in die zwey eck. 2. 3. wo sie dan abschneiden
 a. d. da setz ob dem. a. die ziffer. 1. vñd ob dem. d. setz. 4. vñd zeuch ein zwerchlini. i. 4. vñ. 2. 3. Also ist
 diser würffel recht gemache/ wie in dem forigen abgestolnen grund. Wie ich dann das hienach also
 hab aufgerissen. Et ich weiter gehe.

